



# ՄԱՍԼՈ ՀԱՂՈՐԴԱԳՐՈՒԹՅՈՒՆ

25 սեպտեմբեր, 2014թ.

ք. Երևան

## «ՀՀ 2014-2018թթ. հակակոռուպցիոն ռազմավարության նախագծի (կոնցեպցիայի) հանրային քննարկում Գեղարքունիքի մարզի ՔՀԿ-ների հետ» թեմայով

2014 թվականի սեպտեմբերի 24-ին Գավառում կայացավ հակակոռուպցիոն միջոցառում՝ նվիրված ՀՀ 2014-2018թթ. հակակոռուպցիոն ռազմավարության նախագծի հանրային քննարկմանը՝ Գեղարքունիքի մարզի ՔՀԿ-ների և ԶԼՄ-ների մասնակցությամբ: Այն կազմակերպվել էր ՀԵԲԱ-ի կողմից՝ Եվրամիության կողմից ֆինանսավորվող «Կոռուպցիայի դեմ պայքարի բազմակողմանի խթանում» ծրագրի շրջանակներում: Քննարկման ընթացքում ողջույնի խոսքով հանդես եկավ ՀԵԲԱ նախագահ, «Կոռուպցիայի դեմ պայքարի բազմակողմանի խթանում» ծրագրի ղեկավար Կարեն Զադոյանը, ով նաև ներկայացրեց ՀՀ արդարադատության նախարարության կողմից մշակված 2014-2018թթ. ՀՀ հակակոռուպցիոն ռազմավարության նախագիծը: Ծրագրի փորձագետների կողմից ներկայացվեց Հակակոռուպցիոն բազմաֆունկցիոնալ անկախ մարմնի ստեղծման և ապօրինի հարստացումը քրեականացնելու հնարավորությունը Հայաստանում:

ՀՀ հակակոռուպցիոն ռազմավարության նախագիծով նախատեսվել է Հայաստանում հակակոռուպցիոն բարեփոխումների համակարգումն ու դրանց կատարման նկատմամբ հսկողությունը վերապահել Կոռուպցիայի դեմ պայքարի խորհուրդին՝ դրա կազմում ընդամենը 2 տեղ հատկացնելով ՔՀԿ-ների ներկայացուցիչներին: Հանրային քննարկմանը մասնակցող ՀԿ ներկայացուցիչները համակարծիք են՝ կոռուպցիայի դեմ պայքարի խորհուրդում անհրաժեշտ է ընդգրկել 5 ՀԿ, նախատեսված 2-ի փոխարեն, քանի որ Հայաստանում կոռուպցիայի դեմ համակարգված պայքարելու համար անհրաժեշտ է քաղաքացիական հասարակության գործուն, իրական մասնակցություն, այլ ոչ թե ձևական:

Մասնակիցների կարծիքով՝ ՀՀ հակակոռուպցիոն ռազմավարության մեջ անհրաժեշտ է ավելացնել ընտրված 4 թիրախային ոլորտների թիվը ևս 1-ով՝ դրանցում ընդգրկելով նաև սոցիալական ապահովության ոլորտը: Քանզի, ինչպես իրենք են պնդում, մշտապես մասնակից են դառնում սոցիալական ապահովության ոլորտում թույլ տրվող խախտումների: «Նախագծում ներկայացված 4 ոլորտները շատ քիչ են: Սոցիալական ապահովության ոլորտում այնքան շատ են հիմնախնդիրները և կոռուպցիոն ռիսկերը, մասնավորապես բժշկասոցիալական փորձաքննության հանձնաժողովների, սոցիալական նպաստների հետ կապված, որ սոցիալական ապահովության ոլորտը նույնպես անհրաժեշտ է ներառել նախագծի առաջնահերթ իրականացման ոլորտների շարքում», -նշեց Սախարովի անվան մարդու իրավունքների պաշտպանության ՀԿ-ի Գեղարքունիքի մարզային մասնաճյուղի ղեկավար Լուսինե Թովաղայանը:

Ծրագրի հիմնական նպատակն է մեծացնել ՔՀԿ-ների դերը հակակոռուպցիոն բարեփոխումների խթանման և իրականացման գործում: Ծրագրի շրջանակներում կհզորացվեն ՔՀԿ-ների և ԶԼՄ-ների մոնիթորինգի և վերահսկողության կարողությունները: Կկազմակերպվեն հակակոռուպցիոն դասընթացներ ՀՀ մարզերում ՔՀԿ-ների և ԶԼՄ-ների համար՝ կոռուպցիոն բնույթի և տեղեկատվության ազատության խնդիրներն առավել լավ ըմբռնելու համար: Այս միջոցառումների նպատակը հակակոռուպցիոն գործողությունների իրականացման առկա հնարավորությունների խորացումն է: Հանրային վերահսկողության արդյունավետության բարձրացման և համապատասխան մոնիթորինգային, վերահսկողական և հետաքննական ծրագրերի իրականացման նպատակով կտրամադրվեն փոքր դրամաշնորհներ: Հակակոռուպցիոն ինստիտուցիոնալ մեխանիզմների ամրապնդման համար ՔՀԿ-ների մասնակցությամբ կմշակվի ՔՀԿ-կառավարություն կայուն երկխոսություն:

Ծրագիրն իրականացվում է Եվրոպական միության ֆինանսական օժանդակությամբ՝ «Հայաստանի երիտասարդ իրավաբանների ասոցիացիա» ՀԿ-ի կողմից (իրականացնող)՝ «Ինֆորմացիայի ազատության կենտրոն» ՀԿ-ի հետ համագործակցությամբ (գործընկեր): Ծրագրի տևողությունը 3 տարի է (2014 թվականի հունվարից 2016 թվականի դեկտեմբեր): Ծրագրի բյուջեն կազմում է 650.000 եվրո:

**Հայաստանի երիտասարդ իրավաբանների ասոցիացիան** (ՀԵԲԱ) ստեղծվել է 1995թ.-ին: ՀԵԲԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրագրել է, իսկ նրա իրավունքները՝ պաշտպանված:

**Ինֆորմացիայի ազատության կենտրոնը** (ԻԱԿ) գործում է ավելի քան 10 տարի: ԻԱԿ-ի առաքելությունն է նպաստել տեղեկատվության ազատության մասին օրենսդրության կիրառմանը, ՀՀ կառավարման համակարգի թափանցիկությանն ու հրապարակայնությանը և այդ համակարգում քաղաքացիական հասարակության մասնակցության ապահովմանը:

**Լրացուցիչ տեղեկությունների համար կարող եք դիմել:** Ծրագրի հանրային կապերի համակարգող Նարինե Կարապետյանին, աշխատանքային օրերին, ժամը 9.00-18.00: հեռ. 540199; ֆաքս 580299; URL <http://www.ayla.am>: Կատարող՝ Նարինե Կարապետյան, էլ.փոստ՝ [pr@ayla.am](mailto:pr@ayla.am)



Հայաստանի երիտասարդ իրավաբանների ասոցիացիա  
Հասցե՝ Նալբանդյան 7, բն. 2  
Երևան, Հայաստան, 0010  
Հեռախոս: +37410 54 01 99  
Հեռապատճ: +37410 58 02 99

Ինֆորմացիայի ազատության կենտրոն  
Հասցե՝ Բուզանդի 1/3  
Երևան, Հայաստան, 0010  
Հեռախոս: +37410 56 03 60  
Հեռապատճ: +37410 56 03 60

Ծրագիրը  
ֆինանսավորվում է Եվրոպական միության կողմից  
Հայաստանում  
Եվրոպական միության պատվիրակություն  
Հեռախոս +37410 54 64 94  
Հեռապատճ +37410 54 64 95

Եվրահանձնաժողովը ԵՄ գործադիր մարմինն է:

Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոս-հաուն, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: